

Քո հարևն ալ շատ վարձկ արեր, շատ կարմունջ կապեր գետերուն:
Դու ալ մէկ վարձկունք մ'արաւ՝, պագ մը տուր դընչիդ մօտերուն:

ՏԱՆԵԻՆՆԵՐՈՐԴ ՏԱՂԱՇԱՐՔ

Ա .

Եարուկ մի սիրեր եմ ես որ երեսն երեք ծին ունի.
Բերանն է բոլոր 'ւ աղուոր, տուփ նըման քան զմանուշակի.
Հանչանք ջանացի հետ իր որ իւրմէն պագիկ մի առի.
Ի քաղցրութենէն, եղբար՛ք, բռնկեր է պըռկունքս ու կ'այրի:

Բ .

Պագնե՛մ զայդ քո լայն ճակատդ, որ աչեր ունիս դագալի:
Գըրկեմ զայդ քո ուռ միջկունքդ, դու հագեր ես շար կապանի.
Աչեր դագալի ունիս, գեմ ունիս ուներ Թաթարի,
Ատով խոցեցիր դու զիս ու զարկիր յիս հետ սահարի:

Գ .

Բագան երբ քաղցրած լինի, որսն առնու՝ այնով գընպաղի.
Սանուկ՝ սիրոյ տեր լինի, պագն առնու՝ կարօտն անացնի.
Ա՛մ, ի՞նչ եսեմ, ա՛յ հոգի, ա՛մ, քանի պագնեմ նա պիտի,
Հիմի ի ծոցուդ ելայ, դեռ աչերս ի յետ կու հայի:

Դ .

Ով որ սիրու տեր լինի, ճարն այն է որ թեզ մի գանգտի,
Գանգատըն սըրտին հոգ տայ, թէ չէ նէ սիրտըն կու պատռի.
Գանգատն ի սըրտին միջին նայ պահէ որ ինք չերեւի,
Յերակ մուխ ու ծուխ կենայ, յանըրկած օր մի կու մեռնի:

Ե .

Հանց եղեր եմ քո սիրուն զինչ ամառն աւազն որ կ'այրի:
Չօրն ի բուն յերկինքն ի վեր կու հայիմ կաթիկ մ'անձրեւի:
Երբ ըզձուկն ի ջրէն հանեն ու ձըգեն՝ նա թալեթըլի.
Իմ սիրտս ի քո շատ սիրուդ քան զայն ձուկն այլ խիստ կու տապի: